



# FYLKESMANNEN I SOGN OG FJORDANE

Sakshandsamar: Hermund Mjelstad  
Telefon: 57643124  
E-post: fmsfhm@fylkesmannen.no

Vår dato  
19.04.2013  
Dykkar dato  
12.02.2013

Vår referanse  
2013/744 - 433.2  
Dykkar referanse

Edgar Birger Hatlem  
Smilden  
6958 SØRBØVÅG

## Løyve til utsetjing av utanlandske treslag, Edgar Birger Hatlem – Hyllestad kommune

Vi viser til søknad motteke her 14.02.13 om utsetjing av utanlandske treslag.

### Bakgrunn

Forskrift om utsetjing av utanlandske treslag vart vedteken i statsråd 25. mai 2012. Føremålet med forskrifta er å hindre utsetjing av utanlandske treslag som kan føre til uheldige følgjer for naturmangfaldet. Forskrifta trådde i kraft frå 1. juli 2012.

### Om forskrifta

Forskrifta omfattar både utanlandske treslag til skogbruksføremål og produksjon av juletre og pyntegrønt. Bruk av utanlandske treslag i hagar og parkanlegg vil bli regulert gjennom ei eiga forskrift. Direktoratet for naturforvaltning har delegert ansvaret for den nye forskrifta til Fylkesmannen.

Den nye forskrifta inneber ikkje eit forbod mot utsetjing av utanlandske treslag, men kan opne for løyve etter søknad. Norske treslag treng ikkje løyve.

Forskrifta er heimla i naturmangfaldlova, som har eit eiga kapittel (IV) som regulerer innførsel og utsetjing av framande organismar, og omhandlar også utsetjing av utanlandske treslag.

### Søknaden

Edgar Hatlem, Hyllestad kommune, søker om utsetjing av tre for juletreproduksjon. På eit areal på 25 da skal det plantast ut 1700 tre til saman av *Abies lasiocarpa* (fjelledelgran), *Abies sibirica* (sibiredelgran), *Abies koreana* (koreaedelgran), *Abies nordmanniana* (nordmannsedelgran) og *Abies fraserii* (fraseredelgran) i 2013.

I Artsdatabanken sin publikasjon «Fremmede arter i Norge –med norsk svarteliste 2012» er sibiredelgran (*Abies sibirica*) vurdert til å vere av potensielt høg risiko grunna god/stor spreingsevne/spreiingspotensial. For juletreproduksjon er spreingspotensial av mindre interesse då omløpstida er relativt låg, gjerne kring 10 år. Dei andre artane er vurdert til å vere av låg risiko (fjelledelgran og koreaedelgran), eller er ikkje vurdert (nordmannsedelgran og fraseredelgran). Dei to siste er truleg også av låg risiko. Ingen av dei omsøkte artane er på svartelista.

**Vurdering av søknaden etter naturmangfaldlova §§ 8-12****Kunnskapsgrunnlaget § 8**

Plantinga av juletre skjer på innmark (fulldyrka eng) og kulturmark. I nærområdet til plantinga er det registrert eit område i Naturbasen (BN00068496), rik edellauvskog av svært viktig verdi som er best utvikla på nedsida av vegen. Tresjiktet er dominert av hassel. Ut frå den aktuelle produksjonen og risiko for skade på naturmangfaldet, vurderer vi kunnskapsgrunnlaget til å vere tilstrekkeleg opplyst. Vi vurderer heller ikkje at utsetjinga vil ha uheldige følgjer for naturmangfaldet, jf. nml § 4.

**Føre-var-prinsippet § 9**

Med dei vilkåra vi set, sjå nedanfor, ligg det ikkje føre risiko for alvorleg eller irreversibel skade på naturmangfaldet slik vi kjenner den kunnskapen som er tilgjengeleg. Føre-var-prinsippet vil difor ikkje vere aktuelt å nytte i dette tilfellet.

**Økosystemtilnærming og samla belastning § 10**

Juletreproduksjonen er lagt til innmark og kulturmark. Når ein sikrar at det ikkje blir frøspreiing frå feltet, vil aktiviteten difor ikkje belaste noko økosystem ut over det som er tilfelle ved vanleg drift av innmark.

**Kostnader ved miljøforringing skal berast av tiltakshavar § 11**

Naturmangfaldlova § 11 inneber at tiltakshavar må ta naudsynte kostnader med å sikre at det ikkje blir spreidd frø frå feltet, og at det ikkje blir ståande tre att og vekse dersom drifta av ulike grunnar skulle bli lagd ned.

**Miljøforsvarlege teknikkar og driftsmetodar § 12**

Denne paragrafen inneber at ein skal vurdere driftsmetodar, lokalisering m.v. for å unngå eller avgrense skade på naturmangfaldet. Det skal gjerast ei samla vurdering av tidlegare, nåverande og framtidig bruk av mangfaldet og økonomiske tilhøve som gjev dei beste samfunnsmessige resultat. Tilplanting av innmark og kulturmark til bruk for juletreproduksjon er eit inngrep som er reversibelt. Når ein sikrar seg at feltet ikkje har spesielle verdier knytte til kulturlandskap, og ein sikrar seg mot frøspreiing, vil tiltaket ikkje ha vesentlege uheldige følgjer for naturmangfaldet. På grunn av den svært viktige edellauvskogen i området vil vi rå til at plantinga vert avslutta med noko avstand til denne, slik at tilplantinga ikkje går heilt ned til vegen.

**Vedtak**

Med heimel i naturmangfaldlova § 30 får Edgar Birger Hatlem med dette løyve til å setje ut juletre av artane fjelledelgran, sibiredelgran, koreaedelgran, nordmannsedelgran og fraseredelgran på eigedomen i Hyllestad, gbnr 27/2 på følgjande vilkår:

1. Løyvet gjeld for denne utsetjinga og éi påfølgjande utsetjing.
2. Løyvet gjeld eigedomen gbnr 27/2, på lokalitetane (2014 og 2015) som er avmerkt i søknaden. Plantinga skal avsluttast i god avstand til fylkesvegen og edellauvskogen.
3. Dette løyvet skal takast vare på hjå tiltakshavar og grunneigar. Styresmakta som har tilsyn med tiltaket skal kunne kontrollere at vilkåra blir følgde og at utsetjinga er lovleg.

4. Den som har fått løyve etter forskrifta skal etablere og dokumentere internkontroll etter § 10 i forskrifta.
5. Dersom eigedomen blir overdradd til andre, pliktar eigar å informere ny grunneigar om løyvet og vilkår som er sette for å hindre spreining.
6. Skraptre og liknande som ikkje kan nyttast i juletreproduksjonen, skal vere fjerna når eit ordinært omløp for juletreproduksjonen er avslutta.
7. Utsetjing på dyrka mark krev løyve til omdisponering frå kommunen.
8. Den ansvarlege for utsetjinga skal varsle Fylkesmannen dersom det oppstår skade, eller fare for alvorleg skade, på naturmangfald i samband med utsetjing eller drift av juletrefeltet.
9. Dersom drifta av ulike grunnar skulle ta slutt utan ordinær innhausting, skal grunneigar varsle styresmakta som har tilsynsansvaret. Dersom ikkje grunneigar ønskjer å rydde feltet sjølv, kan styresmakta som har tilsynsansvaret rydde feltet for grunneigar si rekning.
10. Dette løyvet kan opphevast eller endrast i samsvar med naturmangfaldlova § 67.

### Klagerett

Vedtaket kan påklagast til Direktoratet for naturforvaltning innan 3 veker, jf. forvaltningslova. Ei eventuell klage skal sendast til Fylkesmannen.

Med helsing

Nils Erling Yndesdal  
fylkesmiljøvernsjef

Hermund Mjelstad  
seniorrådgjevar

*Brevet er elektronisk godkjent og er utan underskrift*

Kopi pr. e-post: Hyllestad kommune  
Sabima  
WWF